



20 20 -yil « 06 » 03 № 02-40 « » 20 года

**Қўшни давлатлардаги олий таълим муассасаларида таҳсил олаётган
Ўзбекистон Республикаси фуқароларининг ўқишини Тошкент давлат
юримдик университетига кўчиришга онд ташкилий масалалар тўғрисида**

Ўзбекистон Республикаси таълим муассасаларига ўқишга қабул қилиш бўйича Давлат комиссиясининг 2020 йил 28 февралдаги 13-сон мажлис баёнига асосан ҳамда Ўзбекистон Республикаси олий ва ўрта махсус таълим вазирининг 2020 йил 3 мартдаги 156-сон буйруғи ҳамда Олий ва ўрта махсус таълим вазирлигининг 2020 йил 4 мартдаги 87-03-953-сон хати ижросини таъминлаш мақсадида,

БУЮРАМАН:

1. Ўзбекистон Республикаси таълим муассасаларига ўқишга қабул қилиш бўйича Давлат комиссиясининг 2020 йил 28 февралдаги 13-сон мажлис баёни ва Ўзбекистон Республикаси олий ва ўрта махсус таълим вазирининг 2020 йил 3 мартдаги 156-сон буйруғи маълумот ва ижро учун қабул қилинсин.

2. Ўзбекистон Республикаси таълим муассасаларига ўқишга қабул қилиш бўйича Давлат комиссиясининг 2020 йил 28 февралдаги 13-сон мажлис баёни қарорига мувофиқ:

қўшни давлатлардаги олий таълим муассасаларидан республика олий таълим муассасаларига ўқиши кўчирилиши рухсат берилган талабалар сони тақсимои олий таълим муассасалари кесимида тасдиқланганлиги;

қўшни давлатларнинг олий таълим муассасаларида камида бир семестр мобайнида ўқишини давом эттирмасдан, бошқа давлатларнинг (хусусан, Россия Федерацияси ва бошқа давлатлар) олий таълим муассасаларидан ўқишини ўқув йилининг ярмида кўчириб ўтган талабаларнинг ўқиши республика олий таълим муассасаларига кўчирилмаслиги;

кўшни давлатларнинг олий таълим муассасаларида масофавий таълим шакли бўйича ва онлайн тарзда тахсил олаётган талабаларнинг ўқишини кўчиришга рухсат берилмаслиги;

кўшни давлатлардаги олий таълим муассасаларидан республика олий таълим муассасаларига ўқишини кўчириш фақатгина жорий йилда Ўзбекистон Республикаси таълим муассасаларига ўқишга қабул қилиш бўйича Давлат комиссияси томонидан белгиланган муддатларда амалга оширилиши қатъиян белгилаб қўйилганлиги маълумот учун қабул қилинсин.

3. Қўшни давлатлардаги олий таълим муассасаларида тахсил олаётган Ўзбекистон Республикаси фуқароларининг ўқишини Тошкент давлат юридик университетида кўчиришга оид ташкилий масалаларини ҳал қилиш бўйича ишчи гуруҳи таркиби иловага мувофиқ тасдиқлансин.

4. Ишчи гуруҳи (И.Рустамбеков):

бир ҳафта муддат ичида кўшни давлатларнинг олий таълим муассасаларидан Тошкент давлат юридик университетида ўқишини кўчиришга рухсат берилган талабаларни дарс машғулотларига қатнашишга рухсат бериш тўғрисидаги буйруқ лойиҳасини тайёрласин;

фуқароларнинг кўшни давлатлардаги олий таълим муассасаларида камида охирги бир семестрда ўқиши Тошкент давлат юридик университетида кўчирилаётган таълим йўналишига мос (турдош) таълим йўналишида тўлиқ ўқиганлик тўғрисидаги ҳужжатларини батафсил текширилишини ва ҳақиқатда ўқиганлиги тўғрисида кўшни давлатлардаги муайян олий таълим муассасаларига сўровномалар юбориш, заруратга кўра кўшни давлатлардаги олий таълим муассасаларига масъул ходимларни юбориш орқали аниқлаш чораларини кўрсин;

фуқароларнинг ҳужжатларини ўрганиш ҳамда сўровнома натижаларига кўра кўшни давлатлардаги олий таълим муассасаларида ўқимаганлиги ёки қалбаки ҳужжатлар аниқланган тақдирда талабаликка қабул қилиш бўйича мазкур фуқароларга рад жавоби берилишини таъминласин;

кўшни давлатлардаги олий таълим муассасаларидан Тошкент давлат юридик университетида ўқишини кўчиришга рухсат берилган фуқароларни талабаликка қабул қилиш тўғрисидаги ҳужжатларни расмийлаштиришда кўшни давлатларнинг аккредитацияга эга бўлмаган олий таълим муассасаларида ёки уларнинг филиалларида ўқиганларнинг ўқишини кўчиришга рухсат этилмаслигига алоҳида эътибор қаратсин;

кўшни давлатлардаги олий таълим муассасаларидан Тошкент давлат юридик университетида ўқишини кўчиришга рухсат берилган фуқароларнинг

фанлар бўйича фарқларни аниқлаш, фарқлар аниқланганда академик қарздорлик сифатида ўқишга қабул қилишни расмийлаштиришда Ўзбекистон Республикаси Вазирлар Маҳкамасининг 2017 йил 20 июндаги 393-сон қарори билан тасдиқланган Олий таълим муассасалари талабалари ўқишини кўчириш, қайта тиклаш ва ўқишдан четлаштириш тартиби тўғрисидаги низом талабларига қатъий риоя этилишини таъминласин.

5. Мазкур буйруқ ижросини назоратини ўз зиммамда қолдираман.

Адлия вазири
Ўринбосари – ректор



Р.Ҳакимов

**Кўшни давлатлардаги олий таълим муассасаларида тахсил
олаётган Ўзбекистон Республикаси фуқароларининг ўқишини
Тошкент давлат юридик университетига кўчиришга оид ташкилий
масалаларни ҳал қилиш бўйича ишчи гуруҳи таркиби**

Т/р	Ф.И.Ш.	Лавозими
1.	И.Рустамбеков	Ўқув ишлари бўйича проректор, ишчи гуруҳ раиси
2.	Б.Бобожонов	Молия-иқтисод ишлари бўйича проректор
3.	А.Тошпулатов	Ўқув-услубий бошқарма бошлиғи
4.	А.Бабаджанов	1-курс декани
5.	Б.Топилдиев	2-курс декани
6.	Д.Маҳкамов	3-курс декани
7.	И.Эргашев	4-курс декани
8.	А.Хундибаев	Маркетинг бўлими бошлиғи